



## IBIRO BYA MINISITIRI W'INTEBE

## INGAMBA NSHYA ZO GUKUMIRA ICYOREZO CYA KORONAVIRUSI

Hashingiwe ku ntera icyorezo cya Koronavirusi kimaze gufata ku isi, hashingiwe kandi ku buryo ibindi bihugu bihangana nacyo, byagaragaye ko hawiriye kongerwa ingamba ndetse n'imbaraga mu gukumira ikwirakwira ry'icyo cyorezo mu Rwanda. Uhoreye kuri uyu wa gatandatu taliki ya **21 Werurwe 2020** i saa tanu na mirongo itanu n'icyenda z'ijoro (**23:59**) izi ngamba zishyizweho kandi zizamara igihe cy'ibyumweru bibiri (**2**) gishobora kongerwa:

1. **Ingendo zitari ngombwa zirabujije kandi gusohoka mu rugo nta mpamvu zihutirwa birabujije** keretse abajya gutanga no gushaka serivisi z'ingenzi harimo kwivuza, guhaha, serivisi za banki n'izindi.
2. **Kwisyurana hakoresheje ikoranabuhanga** bigomba gukoreshwa ahashoboka hose, kurusha kujya muri za banki na za ATM.
3. **Abakozi ba Leta bose n'abikorera barasabwa gukorera akazi mu ngo zabo,** keretse abatanga serivisi z'ingenzi zavuzwe haruguru.
4. **Imipaka yose irafunzwe**, keretse ku Banyarwanda bataha ndetse n'abandi batuye mu Rwanda byemewe n'amategeko, abo bose bakaba bazashyirwa mu kato mu gihe cy'ibyumweru bibiri (2) ahantu hateganijwe. Ubwikorezi bw'ibicuruzwa byinjira cyangwa ibisohoka mu Rwanda birakomeza.
5. **Ingendo hagati y'imijyi n'uturere tw'igihugu ntabwo zemewe** keretse ku bajya kwivuza cyangwa abafite impamvu zihutirwa. Ubwikorezi bw'ibicuruzwa burakomeza nk'uko bisanzwe.
6. **Amasoko n'amaduka arafunzwe** keretse abacuruza ibiribwa, ibikoresho by'isuku, za farumasi, esansi na mazutu n'ibindi bikoresho by'ibanze.
7. **Za moto ntabwo zemerewe gutwara abagenzi**, keretse izigemuye ibicuruzwa. Imodoka zitwara abagenzi mu mijyi zo zirakomeza gukora hubahirijwe intera ya metero imwe hagati y'abagenzi.
8. **Utubari twose turafunga.**
9. **Resitora zirakomeza gukora hatangwa serivisi yo guha ibyo kurya abakiriya bakabitahana** (take away).
10. Abayobozi b'inzezo z'ibanze n'iz'umutekano barasabwa gushyira aya mabwiriza mu bikorwa.

Abaturarwanda bose barasabwa gukomeza kwitwararika, bakurikiza amabwiriza bahabwa.

**Ubufatanye bwacu twese ni ngombwa mu guhashya iki cyorezo.**

Bikorewe i Kigali, ku wa 21 Werurwe 2020

Dr. NGIRENTE Edouard

Minisitiri w'Intebe

